



Inatsisartunut ilaasortaq  
Per Berthelsen, Siumut.

Asasara Per Berthelsen.

§ 37 naapertorlugu apeqqutinnut 20/08-2012-imi ullulerneqarsimasumut qujanaq, tassani Kalaallit Nunaannut angalasut akitsuuteqanngitsunik pisiaqarsinnaanerisa atorunnaarsinneqarnerat pillugu sisamanik apeqquteqarputit.

Apeqqutinnut akissutit akitsuuteqanngitsunik eqqussisinnaanerup unitsinneqarnera pillugu nalunaarummi ilanngunneqartumi takuneqarsinnaapput, nalunaarut Aningaasaqarnermut Ataatsimiititaliamut juunip arfernani nassiuppara. Ilimagaara illit Aningaasaqarnermut Ataatsimiititaliami ilaasortatut paasissutissat pissarsiarisarsimassagitit.

Aamma nalunaart akitsuuteqanngitsunik eqqussuineq pillugu Inatsisartunut ilaasortap Knud Fleischerip § 37 naapertorlugu apeqqutaanut akissutitut 12. juni 2012-imi ilanngunneqarpoq. Taamaalilluni nalunaarut inunnut amerlasuunut saqqummiunneqareerpoq, tassa Inatsisartut nittartagaannut ilanngunneqarami. Nalunaarut aasaq manna tusagassiuutitigut sammineqarpoq.

Tassa apeqqutitit nalunaarummi nassuiaatit uteqqinneqarnerisigut taamaalillutik akineqarput.

**1. Kalaallit Nunaannut angalasut 'akitsuuteqanngitsunik' pisisinnaajunnaarnerat qanoq sunniuteqarpa?**

Akitsuuteqanngitsunik eqqusseqqusaajunnaarnerup nalilersorneqarnera pillugu nalunaarummit issuakkap matuma apeqqutit akissuteqarfigaa:

*"AI2011-mut missingiunneqarpoq, imigassap tupallu eqqunneqarneranni akitsuutitigut isertitarineqassasut 455 mio. kr.-t, tassa imigassamut tunngatillugu 248 mio. kr.-t tupamullu tunngatillugu 207 mio. kr.-t isertitsissutigineqassasut. Taakkunannga akitsuuteqanngitsunik eqqussuinerup unitsinneqarnerata kinguneranik imigassaq 5 mio. kr.-nik tupalu 25 mio. kr.-nik isertitaqarfiussasut naatsorsuutigineqarpoq, tassa akitsuuteqanngitsunik eqqussuinerup unitsinneqarnera 30 mio. kr.-nik isertitaqarnissamut ilapittuutaanissaa naatsorsuutigineqarpoq."*

28. august 2012  
Suliap nr.2012-059990  
Dok. Nr.998708

Postboks 1605  
3900 Nuuk  
Tlf. (+299) 34 50 00  
Fax (+299) 32 20 42  
E-mail: tax@nanoq.gl  
www.nanoq.gl

## 2. Sunniutaasussatut naatsorsuutigineqartunut naleqqiullugu suna anguneqarpa?

Akitsuuteqanngitsunik eqqusseqqusaajunnaarnerup nalilersorneqarnera pillugu nalunaarummit issuakkap matuma apeqqutit akissuteqarfigaa:

"2011-mi naatsorsuinerup takutippaa, tupamut imigassamullu tunngatillugu kisitsisit piviusut tassaasut 198,9 mio. kr.-t aamma 225,2 mio. kr.-t. Tassa taakkua marluullutik Landskarsimut 411,1 mio. kr.-nik isertitaqarfiupput, naatsorsuutigisamit 43,9 mio. kr.-nik annikinnerusumik. Tamanna takussutissiaq 1-imi eqikkaarneqarpoq.

Takussutissiaq 1: Imigassap tupallu eqqunneqarneranni akitsuutit AI2011-mut aamma LAKA2011-mut isertitsissutaasut (1.000 kr.):

	AI2011	AIS2011 – akitsuuteqanngitsunik eqqussuineq unitsinnagu	LAKA2011	Nikingassut AI11-LAKA11	Nikingassut AI2011 akitsuuteqanngitsunik eqqussuineq unitsinnagu – LAKA2011
Imigassaq	248.000	243.000	225.198	-22.802	-17.802
Tupa	207.000	182.000	185.904	-21.096	3.904
Katillugit	455.000	425.000	411.102	-43.898	-13.898

Kisitsisit qulaani pineqartut immikkut isigalugit oqaatigineqarsinnaanngilaq, akitsuuteqanngitsunik eqqussuinerup unitsinneqarnera siunertaq malillugu sunniuteqarsimanersoq. Oqaatigiinnarneqarsinnaavoq iluanaarutaasoq naatsorsuutigisamit annikinnerunera. Nalilernerneqarsinnaanngilarli eqqussuinermut nalunaarut allanngortinneqarsimanngitsuuppat qanoq annertutigisumik iluanaaruteqartoqarsimassagaluarnersoq."

## 3. Kalaallit Nunaannut angalasut 'Akitsuuteqanngitsunik' pisisinnaajunnaarnerat Nunatta Karsianut qanoq akeqarpa?

Akitsuuteqanngitsunik eqqusseqqusaajunnaarnerup nalilersorneqarnera pillugu nalunaarummit issuakkap matuma apeqqutit akissuteqarfigaa:

"Akitsuuteqanngitsunik eqqussisinnaanerup killilersorneqarnera iluanaarutaasinnaasunut killilersuisoq inerniliunneqarsinnaavoq, oqaatigineqarsinnaanngilarli, maleruaqqusat allanngortinneqarsimanngitsuuppata qanoq angusaqartoqarsimassagaluarnersoq. Eqqarsaasersuutitut taakkununga ilanngunneqartariaqarpoq, assersuutigalugu pujortarnermik inerteqquteqarneq pillugu inatsisip 2010-mi oktobarip aallaqqaataani atuutilersup imigassamik tupamillu atuinermit qanoq sunniuteqarsimanera.

Qularnaatsumik oqaatigineqarsinnaasutuaq tassaavoq, imigassamik tupamillu atuineq piffissami sivisunerusumi appariartorsimasoq, ukiunilu aggersuni taamatut ingerlaannarnissaa ilimanartoq. Minnerunngitsumik tupamut tunngatillugu, tassa nunanut kitaamiunut allanut sanilliullugu nunatsinni pujortartut amerlanerungaatsiaramik.

Taamaalilluni erseqqissumik oqaatigineqarsinnaanngilaq akitsuuteqanngitsunik eqqussisinnaanerup unitsinneqarnerata nassataanik iluanaaruteqartoqarsimanersoq.”

**4. Kalaallit Nunaannut angalasut 'Akitsuuteqanngitsunik' eqqusseqqusaajunnaarnerat sioqqullugu eqqusseqqusaajunnaarnerullu kingorna Nunatta Karsia qanoq aningaasannorlugit isertitaqarpa?**

Akitsuuteqanngitsunik eqqusseqqusaajunnaarnerup nalilersorneqarnera pillugu nalunaarummit issuakkap matuma apeqqutit akissuteqarfigaa:

**”2002-mit 2011-mut iluanaarutit**

	<b>2002</b>	<b>2003</b>	<b>2004</b>	<b>2005</b>	<b>2006</b>
	<i>kr.</i>	<i>kr.</i>	<i>kr.</i>	<i>kr.</i>	<i>kr.</i>
<b>Nioqqutissat</b>					
<i>Immiaaraq</i>	140.323.874	133.981.308	130.404.241	135.553.082	132.053.977
<i>Viinni</i>	42.326.801	41.044.040	46.722.329	49.075.364	46.758.654
<i>Imigassaq</i>	55.374.699	45.526.213	48.398.110	52.048.669	47.241.520
<b>Imigassat katillugit</b>	<b>238.025.374</b>	<b>220.551.561</b>	<b>225.524.680</b>	<b>236.677.115</b>	<b>226.054.151</b>
<i>Cigaretsit</i>	191.624.267	181.199.313	188.374.705	182.822.158	176.860.657
<i>Tupat allat</i>	16.565.832	16.668.932	23.070.556	26.466.433	27.046.619
<b>Tupat katillugit</b>	<b>208.190.099</b>	<b>197.868.245</b>	<b>211.445.261</b>	<b>209.288.59</b>	<b>203.907.276</b>
<b>Imigassat tupallu katillugit</b>	<b>446.215.473</b>	<b>418.419.806</b>	<b>436.969.941</b>	<b>445.965.706</b>	<b>429.961.427</b>

	<b>2007</b>	<b>2008</b>	<b>2009</b>	<b>2010</b>	<b>2011</b>
	<i>kr.</i>	<i>kr.</i>	<i>kr.</i>	<i>kr.</i>	<i>kr.</i>
<b>Nioqqutissat</b>					
<i>Immiaaraq</i>	135.193.494	150.234.879	146.854.003	145.181.660	146.985.877
<i>Viinni</i>	52.530.630	48.390.068	53.389.952	49.372.147	49.606.144
<i>Imigassaq</i>	46.900.498	34.798.210	38.376.720	38.142.492	35.923.806
<b>Imigassat katillugit</b>	<b>234.624.622</b>	<b>233.423.157</b>	<b>238.620.675</b>	<b>232.696.299</b>	<b>225.198.764</b>
<i>Cigaretsit</i>	184.779.576	162.421.670	150.600.641	160.766.516	146.719.894
<i>Tupat allat</i>	28.461.168	30.561.352	33.301.587	34.982.064	40.954.400
<b>Tupat katillugit</b>	<b>213.240.744</b>	<b>192.983.022</b>	<b>183.902.228</b>	<b>195.748.580</b>	<b>185.904.016</b>
<b>Imigassat tupallu katillugit</b>	<b>447.865.366</b>	<b>426.406.179</b>	<b>422.522.903</b>	<b>428.444.879</b>	<b>408.352.780</b>

Takussutissiami qulaaniittumi takuneqarsinnaasutut, akit nalinginnaasut malillugit iluanaarutaasartut allannorarpallaanngillat, piffissamilu 2002-mit 2011-mut annikitsumik appariartorusaarsimallutik. Akit aalajangersimasut eqqarsaatigalugit iluanaarutaasartut malunnaatilimmik appariangaatsiarsimapput. Akigitinneqartartut appariarnerat 30%-it missaanniittutut naatsorsorneqarpoq.

*Pingaartumik imigassat kimittuut eqqussorneqartartut ikiliartorput, immiaaqqalli viinnillu eqqussorneqarnerat taamaaginnangajalluni, viinninulli tunngatillugu piffissami tassani eqqussuineq annertusilaarsimavoq.*

*Tupanut tunngatillugu iluanaarutaasartut ukioq 2007 tikillugu allanngujaassimapput, taavali 2007-imit 2008-mut malunnaatilimmik appariarsimallutik (10% sinnerlugu) ukiullu tulliuuttut ingerlanerini sulii appariartoqqissimallutik."*

Naggataatigut ilisimatitsissutigissavara, imigassamit tupamillu iluanaarutit missingersuusionermet sanilliullugit annikinnerunerat siullermeersumik pinngimmat. 2007-imi ukiakkut ataatsimiinnermi Naalakkersuisut aalajangerput imigassamut tupamullu akitsuutit qaffanneqassasut. Taamaalilluni 2008-mi akitsuutit qaffanneqareernerisigut imigassamit tupamillu isertitassat 505 mio. kr.-nut missingerneqarput. 2008-mi Nunatta Karsiata naatsorsuutaasa takutippaat angusat 436 mio. kr.-usut. Tassa iluanaarutissatut naatsorsuutigisaagaluit 79 mio. kr.-nik ikinnerupput.

Suliaq pillugu itisilikkamik apeqqutissaqaqqikkuit, akitsuuteqanngitsunik eqqusseqqusaajunnaaneq pillugu nalunaarummi ilanngunneqartumi akissutissarsiarinngisannik Naalakkersuisunut saaffiginninnissannut tikilluaqqusaavutit.

Inussiarnersumik inuulluaqqusillunga



Maliina Abelsen

Aningaasaqarnermut Naalakkersuisoq